



NOBILISSIMO, CLARISSIMOQUE VIRO DOMINO, D.  
**PETRO HACHETTE**  
 DOMINO DE LA MARE.  
 ET IN PARIISIENSI CVRIA PRÆSIDIALI  
 SENATORI INTEGRERRIMO

F.M.P.  
 FRIEDRICH

YTI AINEIN.

**N**ON iniquè factum à me fuerit, SENATOR INTEGRERRIME, si quæ virtus omnium in se conuertit oculos, & amorem; me in tui reuerentiam, & cultum rapere videatur. Ex quo te noui, statim incedit quasi diuinitus animo voti huius adimplendi desiderium, morum tuorum dulcedine mirè prouocatus, & singulari Prudentia, quæ te proximum numinibus sistit. Nullum numen adest, si sit Prudentia. Eius ductu, & auspicio Astream è Cælo quod se receperat, in nostrum orbem postliminio diceris reuocasse; quam ita domesticam, & familiarem tibi adiunxisti, ut admirabili quadam animi magnitudine excitatus malueris olim illam tunc valere iussam sequi exilij socius, quam iniquis oppressam ab iniuria non vindicare. Ex quo sanè acerbiori casu omnes deprehendunt strictissimos esse virtutum inter se nexos, cum in illo, quod grauissimè urgebat, discrimine; non minùs licuerit rarum Temperantie tuæ exemplum suscipere, quam insigne Fortitudinis specimen admirari. Effrenis enim illa quorundam hominum libido, fucata quadam virtutis specie adumbrata, & integritatem ementita, quæ illa pæn dæyi, illa dè opâta, & te Generosum offendit, & experita est Sapientem; quo nomine aduersus indecoram seruitutem, & adulationis vitium strenuum te, fortemque probauisti. Quod idcirco accidisse dixerim, ne apud cum summas, ac ferè incredibiles animi dotes ignoraremus, apud quem eximia vitæ Probitas floreret; assiderentque velut comites honoraria, singularis Modestia; insignis Comitas; animi Benignitas mihi notissima, & exploratissima; optimarum artium, & litterarum Amor; Amicorum denique, quos nemo quantumuis probus, & frugi plures habet, studium, & Cultura. Tot, & tantis virtutum ornamentis, inuitati, VIR HUMANISSIME, tabellam hanc de Prudentiâ, Prudentiæ tuæ appendimus; ut tuo freti patrocinio, ex accipitis, quam suscipimus, pugna erepti ad victoriam euolemus. Et sanè Aperille tuus ipso aspectu ferox audaciam ad certamen inspirare; & aquarum Alueolus ille placido aqore conspicuus, post prælium, tranquillitatis portum videtur polliceri. Vale.



DEO OPT. MAX. VNI ET TRINO, VIRGINI DEIPARÆ, ET S. LVÆ ORTHODOX. MEDICORVM PATRONO.

## QVÆSTIO MEDICA.

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS VII. FEBRVARII,

M. PETRO REGNIER, Doctore Medico, Moderatore.

*An parentibus iam senibus nati prudentiores?*

**Q**UIDVID habemus virtutis aut vitij, omne à parentibus accepimus, qui etiam si nobis animum non commodarint, quia tamen instrumenta quibus vitur suppeditarunt, suum etiam in nos animum transfudisse videntur. Animi certe impediti corporibus per se nihil agunt omnino; sed pro cuiusque temperie, & deformatione se movent: vtrumque debemus parentibus, è quibus delibatus humor genitili spiritu incallescens, & matris utero comprehensus formatur in hominem pene eundem, decerpitur enim ex singulis parentum partibus seminalis humor, earumque minimè mendosum exemplar secum importat consimili prorsus temperie, & specie; hinc nisi naturam consuetudo mutaverit liberis hæreditaria sit bona, vel mala corporis, animique parentum valetudo. Sic morbosus morbosus nascuntur, stulti stultis, prudentes prudentibus; at diuersæ consuetudini maximum in qualemcunque naturam imperium est.

**H**EROIBVS sua proles fuit olim dedecori, nullo naturæ crimine; prauorum consortium, & mollior magistrorum indulgentia bona virtutis semina malè perdiderunt. Deteriore vitæ consuetudine peruersa est corporis temperies, deiectus animus; sic enim se res habet, propensionem quasdam ad virtutem habemus à naturâ, quæ si aliò deflectatur, aliorum quoque mentes inclinat. Ille quem ad prudentiam aptissimum meritò iudicabas; quia præstantius corporis sui temperamentum ignaviâ, luxuriâque amisit, singulari naturæ beneficio frui non potest. Hunc auersis Musis, & Apolline ipso natum deierasses, cui suæ naturæ contraria vitæ ratio aliam corporis iniecit temperiem, capacemque virtutis; quippe suspensas habet à corporis temperie rationes suas omnes animus, & illâ euersâ stare non potest, aut excitatâ iacere.

**P**TIMA vitæ magistra Prudentia, expetendarum & fugiendarum rerum author certissima, diuinâ quâdam vi in obscuros etiam rerum euentus mittit animum, sedatâ tranquillitate perfruentem; animi autem quies non à solâ vitæ prosperitate pendet, corporis temperamentum eam præstat. In iuuentute animus nullâ fortunæ procellâ iactatus huc illuc impellitur. In senectute compresso æstu humorum, infestis etiam rebus stat immotus, & cum aduersitate colluctatur. Omni corpore frigidiores sunt, & sicciores senes, tum maximè cerebro. Ergo si quid ad ipsam vaporum ex inferiori corpore aspirat, statim concrevit in humorem mox infernis partibus gravem. Iuuenibus aduenientes in cerebrum denso agmine fumi se permiscunt spiritibus, quibus diutius impliciti splendidam aliquin eorum lucem obscurant, & quasi nubes in cælo varias pingunt imagines rectæ rationi illudentes, ea verò decepta decipit quoque, nec verum fert de rebus iudicium.

**M**AGNO emitur Prudentia, siue naturâ, siue longiori vitâ aptiores ad eam fiant homines: brevis ut plurimum prudentioribus vita superest, neque tam rerum vfu sapiunt senes, quàm labantis ætatis temperie. Hæc mortis vicinos etiam vates facit, quæ summa est Prudentiæ vis, primordia rerum, ipsarumque discrepantias intelligere, & occupare cogitatione res futuras. Alia ætas vix potest, nisi similem temperiem nanciscatur; nam quandiu feruet in venis sanguis, plurimis, & crassus vaporibus aspersi, & concitati spiritus animales in cerebro tumultuantur. In his turbis haudquaquam certa iniri potest cuiusvis rei diuturna cogitatio, quod ad Prudentiam pernecessarium est: siue autem deferbuerit sanguis, siue omnino non efferbuerit, sic habitis suis est semper animus, & diuinitatis particeps latentes rerum causas tam bene per se contemplantur, quàm solemus oculis, quæ ante pedes posita sunt.

**S**ENIBVS parentibus natos ipsa specie senes dixeris, caui oculi, pallidula facies, gracilitas corporis, subtristis aspectus, sermo etiam atque incessus cum aliqua autoritate, & grauitate senes loquuntur. Teneris adhuc annis iam signa apparent matrescentis Prudentiæ; nondum adulti, senes sunt, adeo frugi, & prudentes apparent. Hoc eis impertita est parentum frigida, & sicca temperies; non ebulliunt in ipsis humores, non fumant; hinc nulla animi perturbatio, & tutissima Prudentiæ salus. Lucundæ enim, aut molestæ res non adeo solent animos commouere, nisi qui in corporibus ætus cooriantur; neque præceps, aut incerta cogitatio cuiusquam est, nisi vehementi vaporum quasi turbine, aut repentè abripiatur, aut aliquando versetur, ac rotetur animus. Subducuntur his procellis senibus nati, & longa placiditate gaudent.

*Ergo parentibus iam senibus nati prudentiores.*

Proponebat Lutetiæ BERTINVS DIEVXIVOYE, Cenomanus, A.R.S.H.M. DC. XLVII.

DOMINI DOCTORES DISPVATVRI.

M. Nicolaus Richard.  
M. Petrus le Mercier.  
M. Claudius Guerin.

M. Petrus Tuelin, Med. Reg.  
M. Mathurin Denyau.  
M. Franciscus le Vignon.

M. Michael de la Vigne.  
M. Iacobus Perreau, Decanus.  
M. Nicolaus Henault.

